



軍營氣如堤以覆軍上

天元王曆祥異賦卷十一

軍勝氣篇

軍勝之氣覆軍似堤

京房曰若覆吾軍急往擊之大

勝

隋書曰軍勝氣如堤以覆其軍

上前六條白

軍營



軍勝氣如鳥鳥飛去



軍營

或如鳥鳥之飛去

京房曰有雲如鳥鳥其狀如飛去所亡國戰必大勝

軍勝氣如旌旗揚揮



軍營

或如旌旗之揚揮

宋志曰氣如旌旗無風而颺揮指者我軍隨指攻敵必勝又曰或如旌旗如鋒向人勿與戰

軍勝氣如堤坂而前後摩地

或如堤坂而前後摩地

占曰氣如堤坂而前後摩地此

軍士衆強不可擊若在吾軍可

戰必勝



軍勝氣如日月而赤氣繞之

如日月而赤氣繞之

宋志曰雲如日月而赤氣繞之

如日月暈狀有光芒所見之軍

大勝



軍營

軍勝氣如飛鳥徘徊其上



軍營

徘徊其上如飛鳥

宋志曰或如飛鳥徘徊其上或來而高者兵必精銳

軍勝氣闐鷄而赤白相隨



軍營

赤白相隨如闐鷄

占曰或如闐鷄赤白相隨在氣霧中得天之助亦不可擊
晉書曰軍勝氣如闐鷄赤白相隨或發黃氣將士精勇

軍勝氣如足帛而後大前廣

如足帛而後大前廣

宋志曰有雲如三尺帛前廣後

大軍行之氣

京房曰敵上氣如布帛者此雄

軍之氣不可攻若在吾軍戰必

大勝

軍營


軍勝氣五馬而尾仰首抵

如五馬而尾仰首低

宋志曰或如五馬頭低尾仰者

勝

軍營



軍勝氣如赤杵在烏雲內



軍營

如赤杵在烏雲之內

宋志曰望西方而氣如赤鳥在

雲中或如赤人如赤杵在烏雲

中

乙巳占曰暴兵氣如杵兵起民

流

軍勝氣如烏雲而赤氣相隨



軍營

如烏雲而赤氣相隨

宋志曰烏雲中有氣如十五人

相似或如旌旗在烏雲中凡有

此氣皆為將卒精悍若臨我軍

急擊之勝

軍勝氣如人持斧以望彼



我軍

彼軍

如人持斧而望彼

宋志曰或有氣如人持斧若向

敵軍戰大勝

晉書曰軍勝氣如人持斧向敵

軍勝氣如蛇舉首而向敵



軍營

敵營

如蛇舉首而向伊

宋志曰或如蛇舉首向敵戰勝

軍勝氣如牽牛



軍營

或如牽牛

宋志敵上有雲氣如牽牛未可擊在吾軍戰勝

敵營

軍勝氣如覆舟



軍營

或如覆舟

宋志曰或氣如覆舟占曰不可攻若在吾軍戰必大勝


軍勝氣如山堤林木

或象山堤之林木

宋志曰或如山堤上有林木

開元占曰將士銳勇不可與戰

若在我軍戰必大勝



軍勝氣如虎豹潛伏

或如虎豹之潛伏

宋志曰或氣如虎豹伏其軍難

攻

軍營



軍勝氣如粉沸如樓緣以赤氣

或粉沸如樓緣以赤氣


宋志曰雲粉沸如樓而赤氣遠之在敵上其兵銳不可擊在我軍上戰必大勝



軍勝氣赤黃五色上連天體

或赤黃五色上連天體

宋志曰敵上有赤黃氣上連於天亦不可攻在吾上戰必大勝



軍勝氣如華蓋之獨居

或如華蓋之獨居


宋志曰雲氣如華蓋在敵上勿
往與戰在我軍上戰必大勝



或如引索之不一

在吾軍急擊而勿留在敵上急去
而勿擊

宋志曰氣如引索如陣前銳或
一三三四黑色有陰謀青色有
兵青色饑黃色急去



軍敗氣篇

氣色囚廢枯散占為軍敗之徵如
敗車擊牛壞屋

宋志曰敵上氣如馬肝色或死
灰色皆為將敗

開元占曰敵上氣似敗車徘徊
不起者為敗又曰如擊牛馬如
壞屋皆為敗氣也

或蓋道蔽濛晝冥

宋志曰雲如蓋道蔽濛晝冥者
飯不暇食炊不及熟而急去

黑如壞山墮于軍壘

宋志曰黑氣如壞山墮軍上曰

營頭其軍必敗

晉書曰軍敗氣如壞山墮軍上

者名曰營頭之氣



白如羣鳥趨入此營

宋志曰或白如羣鳥入營連結

百餘里徘徊而不絕須臾不見

當有他國來降又曰氣如羣鳥

亂飛殺氣也



勃々然如燔生草


宋志曰氣如氛如塵勃々然如
火煙軍敗又曰敗軍之氣如燔
生草之煙前雖銳後必敗



紛々然如轉枯蓬

宋志曰敵上氣雲如枯蓬轉者
急擊之若在吾軍上不可出戰





如羣羊羣猪在於氣中

宋志曰或如羣羊在於氣中此
為軍敗之氣




類偃蓋偃魚於軍上

宋志曰或類偃蓋皆為將敗

氣出半絕而漸盡

宋志曰氣出而半絕者軍欲敗
漸盡者走一絕一敗再絕再敗
三絕三敗



或前高白而後青

宋志曰兩軍相去十里以外望
彼軍上氣高而前白後青者可
擊之勝





如牛馬之入營

宋志曰或如牛馬在氣霧中漸
漸入軍者名曰天狗下食血其
軍必敗



如雞兔之臨陣

宋志曰雲如雞兔臨營上者其
軍敗走



如人形而無頭

宋志曰雲如人形而無頭者為
敗軍氣



如人頭以闕身


宋志曰雲如人頭臨軍上戰不
勝

京房占曰氣如人頭臨陣中戰
不勝流血積溝渠



如羣鹿以驚奔

開元占曰雲如驚鹿相逐者為
敗氣



如雙蛇之委曲

宋志曰雲如雙蛇委曲者為敗
氣


有赤光從天流下

宋志曰赤氣炎降於天赤氣從
天流下軍營軍自亂將死



如氣發連夜照入

宋志曰或氣發連夜照入軍士
散亂





或如捲席

開无占曰雲氣如捲席布帛亂
穰皆為將敗之徵



或如揚灰

京房曰望彼軍上氣如揚灰敵
當敗走

或如人卧

開元占曰敵上氣如人卧無手足者軍敗



或如鳥飛

開元占曰敵上氣如羣鳥亂飛此衰氣也疾往擊之大敗



或如覆船車蓋

宋志曰雲如覆船車蓋其軍必
敗



或如敗决垣堤

宋志曰雲如敗决垣堤者皆為
軍敗之氣



或如霧始起而聚散

宋志曰或乍見乍沒乍聚乍散
如霧始起此衰氣也在敵上可
擊



或如人叉手而頭低不為將敗軍
北必為降退逃歸

宋志曰或如人十十五五叉手
頭低又如叉手相向此軍來降
之氣也




城勝氣篇

雲青黃臨城而城喜


宋志曰青雲臨城有喜慶黃氣
尤嘉


隋書曰堅城氣其色黃臨城其
城不可攻



色青白中出而勿攻

宋志曰凡白氣從城中南北出
者其城不可攻






赤氣如杵而黑雲似星


京房曰赤氣如杵形從城中向外者內兵突出主人戰勝不可攻

宋志曰或城中有黑氣如星曰軍精兵突出以戰客敗



如白氣城中出而青氣從北入

宋志曰如白氣從城中出青氣從北入往迤回還向軍不得入



蒙氣繞城而不入中

宋志曰蒙氣繞城不入者外兵
不得入




青赤起暈內而四外出

宋志曰日暈有青赤氣從中起
四出者國城內兵勝



青如牛頭而觸人

宋志曰或氣青色如牛頭觸人
京房曰攻城雲青色如牛頭觸
人者其城不可奪屠



白如旌旗而赤界

京房曰城上氣白如旌旗者勝
若赤界其銳不可攻也

或氣無極而如烟火

宋志曰或城上氣出於外無極
如烟火

京房曰城山氣如煙火主人欲
出戰無極者城不可攻



或氣從中出而入吾軍


宋志曰凡攻城有晦氣從城中
出入吾軍者為敵性氣也其城
不可攻也





或如兩隼之雲

宋志曰或有雲分於兩隼攻不可得




或如雙蛇之氣

宋志曰或氣如雙蛇其城難攻

或平旦有雲而色尅其日

宋志曰甲乙日平旦有白雲丙
丁日有黑雲戊己日有青雲庚
辛日有赤雲壬癸日有黃雲皆
為城勝之兆不可攻




或欲攻擊而雷雨過旬

宋志曰圍城若雷雨過旬速去
之勿攻

隋書曰如攻城圍邑過旬雷雨
者其城有輔疾去之勿攻






氣濛而人不相覩可速引去而遠
此茲皆城勝之氣不宜脩櫓輶
京房曰如城上氣濛人不相覩
其城不可攻


屠城氣篇

氣如死灰其城可剋
京房曰城上氣如死灰色者其
城可剋




赤氣臨城而黃氣四繞則將死城降


宋志曰赤氣在城上黃氣四面繞之城中大將死城降



氣聚如樓而出見於外則攻之可得

京房曰攻城圍邑城中氣積如樓出見外者攻之可得






重暈白虹貫日

宋志曰重暈而白虹貫日圍城
客勝

乙巳占曰日暈有雲如虹貫日
圍城客勝城可屠




屈虹從外入城

乙巳占曰氣如虹從外入城者
主三日內城可屠

濛霧圍城而入城

宋志曰濛氣圍城而入城者外
兵得入




白氣遶城而入

宋志曰凡攻城有白氣遶城而
入城者隨所入擊攻之不宜緩
也



或赤黑如狸皮

宋志曰或赤黑氣狀如狸皮班
其城破將敗



或雲氣如雄雉

宋志曰雲氣如雄雉臨城其下
必有降者






氣出向東或西而若北

宋志曰其氣東出城可敗其氣
西出城可降或氣出而北皆為
可尅



亦如人頭飛鳥似敗軍

宋志曰城上有雲如衆人頭赤
色下多流血又曰赤雲氣如飛
鳥如敗軍城可攻急擊之破矣



圍或攻城

城上無氣

宋志曰城上若無雲氣士卒必
敗




或雲如立人五枚或如三牛邊城

宋志曰雲如立人五枚或三牛

在城上其城可剋



或氣下白而上赤
京房曰或雲氣上赤下白色者
其城可攻




或如白蛇以指城
宋志曰有雲氣白色如蛇來指
城其城可急攻小緩則失

或如日死而霧濛

宋志曰攻城見日色無光為日
死若雨霧濛或風至其兵必勝

或有氣出而復入皆屠城客勝之
徵智將勿疑而急擊

宋志曰其氣出城復入城中人
欲逃也



天元玉曆祥異賦卷十二

伏兵氣篇

兩軍相當有赤氣隨氣所在有伏兵

京房曰兩軍相當有赤氣者伏兵之氣若前有赤氣前有伏兵後有赤氣後有伏兵左右赤氣亦同審而察之即知伏兵所在也

伏兵

雲綿之紋、弓車騎潛跡如布席
蒿草弓步卒匿形


宋志曰雲紛、綿、相絞及似
蒿草數尺車騎潛跡為伏兵也



白氣粉沸而起如樓狀


宋志曰氣粉沸如樓狀其下必
有伏兵






黑氣渾々而赤氣在中

宋志曰軍上有黑氣渾々圓長
赤氣在其中其下必有伏兵




或鳥雲中之赤杵

宋志曰或如赤杵在鳥雲中其
下必有伏兵



或如數人之在黑氣




或赤雲內之烏人



或如幢節之在烏雲


宋志曰又如幢節伏在烏雲中
其下有伏兵



或雲如山嶽在外

宋志曰或雲如山嶽在外皆為
伏兵之氣


或前烏後白相隣
此氣象之所見伏兵藏而莫聞



暴兵氣篇


暴兵之象赤氣赫然

宋志曰四方清淨獨有赤雲赫
然及壬子日獨見赤雲如旌旗
其下兵起若遍滿天下盡有兵
京房曰四方無雲獨有赤雲如
赤虹如狗或如覆舟其下有流
血兵戰



白雲如足布或赤氣巨天

宋志曰天有白氣如足帛經廿
未或廣六七丈東西巨天皆為
天下多兵若兵多起赤者尤甚
青者有大喪



赤雲如旌旗或四方徧滿

宋志曰又為賊兵暴起

如瓜蔓而八九不斷

宋志曰凡暴兵之氣白如瓜蔓
罷而復興及至八九來而不斷



若仙衣而千萬相連

宋志曰暴兵氣或白如仙衣千
萬連結部隊相逐罷而復興及
至八九來而不斷防賊卒至有
千里兵來宜固防之



或如方暈或如赤虹

宋志曰雲如方暈雲如赤虹皆
為暴兵之象



或如狗四五相聚


宋志曰雲如狗四五枚相聚國
有兵





或如人定止不崩

宋志曰雲如人行止不崩必有
暴兵




或如人行或如艾虎

宋志曰雲如人行如艾虎並為
賊兵暴起



霽零自中天而下吾陣

宋志曰敵欲來者其氣上雲有
霽零中天而下吾陣敵必至



黑雲從敵上而覆吾軍

宋志曰黑雲從敵上來我軍上
敵人欲來襲我宜備不宜戰天
色蒼茫而有此氣依舊支干數
內無雲雨則所發之方必有暴
兵日尅時則凶時尅日則自消
散



有雲如人而赤色

宋志曰有雲如人而赤色所臨城邑有卒兵至主驚怖之事也




或如人以執楯

宋志曰或如人持刀楯為賊兵暴起



或如赤杵

宋志曰有雲氣如赤杵為暴兵
之氣



無雲獨見此黑雲

宋志曰四方望無雲獨見黑雲
極天下天兵大起




或如胡以列陣

宋志有雲如胡人列陣天下兵起



或如火雲

宋志曰赤雲如火者所向兵至



或如旌旗之伸凡此氣之所起有
賊兵而暴臻
宋志曰雲氣如旌旗為賊為暴
兵



如人持節之氣
宋志曰亦氣如人持節者兵來
不息



